



# BALITANG PAHAYAGAN

PARA SA AGARANG PAHAYAGAN  
Ika-7 ng Abril, 2025

## Martes ang Huling Araw para Bumoto sa Espesyal na Primaryang Eleksyon ng Distrito Isa

Martes, Ika-8 ng Abril, ang huling araw para botohan ang inyong balota para sa espesyal na primaryang eleksyon para sa Unang Superbisoryal na Distrito ng County ng San Diego.

Lunes, Ika-7 ng Abril, ay ang huling pagkakataon para bumoto nang maaga. Ang mga karapat-dapat na botante ay maaaring bumoto mula sa ika-8 ng umaga hanggang sa ika-5 ng hapon sa alinmang isa sa [pitong vote center](#) o sa [29 na opisyal na ballot drop box](#) sa buong distrito.

Sa huling araw ng pagboto, Ika-8 ng Abril, ang opisina ng Tagapagrehistro at karagdagang anim na vote center ay magbubukas para sa kabuuang 13 vote center sa distrito. Lahat ay magbubukas mula ika-7 ng umaga hanggang ika-8 ng gabi.

Ang sinumang botante na nakapila sa isang vote center o isang opisyal na ballot drop box sa ika-8 ng gabi ay papayagang bumoto. Gayunpaman, walang maaaring sumali sa pila pagkatapos ng ika-8 ng gabi na deadline.

Ang taong mahahalal ay magpupunan sa bakanteng posisyon ng distrito para sa natitirang bahagi ng kasalukuyang termino na magtatapos sa Enero ng 2029. Kung walang kandidatong makakatanggap ng mayoryang boto sa Ika-8 ng Abril na eleksyon, ang nangungunang dalawang makakakuha-ng-pinakamaraming-boto ay magpapatuloy sa espesyal na pangkalahatang eleksyon sa Ika-1 ng Hulyo. Tanging ang mga botante lamang na naninirahan sa distrito ang maaaring bumoto sa eleksyon.

Ang Distrito 1 ay umaabot mula sa Pacific Ocean hanggang sa mga kabundukan ng Otay at San Miguel sa silangan (east), at mula sa Barrio Logan sa hilaga (north) hanggang sa internasyonal na border ng U.S./Mexico sa timog (south). Kasama sa distrito ang mga lungsod ng Chula Vista, Imperial Beach, National City, at ilang komunidad sa loob ng Lungsod ng San Diego, kabilang ang Barrio Logan, East Village, Golden Hill, at higit pa. Kasama rin dito ang mga unincorporated na lugar ng Bonita, East Otay Mesa, Lincoln Acres, Sunnyside, at La Presa.

Kung hindi kayo sigurado kung kayo ay nakatira sa Distrito 1, maaari ninyo itong hanapin sa [sdvote.com](https://sdvote.com).



# BALITANG PAHAYAGAN

PARA SA AGARANG PAHAYAGAN  
Ika-7 ng Abril, 2025

Kung kayo ay naninirahan sa Distrito 1, at hindi kayo kasalukuyang nakarehistro para bumoto, maaari kayong bumisita sa alinmang vote center o sa opisina ng Tagapagrehistro upang [kondisyonal na magparehistro](#) at bumoto nang probisyonal hanggang sa Ika-8 ng Abril.

Pinalitan ng mga vote center ang mga lugar ng botohan (polling place) at nagbibigay ng mas maraming [serbisyo](#). Maaari kayong:

- Bumoto nang personal o i-drop off ang balotang pang-koreo
- Bumoto gamit ang accessible na ballot marking device (BMD)
- Tumanggap ng tulong at mga materyales sa pagboto sa iba't ibang wika
- Magparehistro para makaboto o i-update ng inyong rehistrasyon ng botante at bumoto sa parehong araw

Maaaring gamitin ng mga botante ang touch screen upang piliin ang kanilang mga seleksyon sa mga [ballot marking device \(BMD\)](#). Kapag natapos na, ipi-print ng botante ang opisyal na balota, rerebyuhin ito, ilalagay sa isang pangsikretong takip, at ibibigay sa isang manggagawa sa botohan upang mailagay ito sa ballot box para bilangin sa opisina ng Tagapagrehistro. Ang ballot marking device (BMD) ay hindi nag-i-store, nagta-tabulate, o nagbibilang ng anumang boto.

Tandaan na ipinagbabawal ang pangangampanya o electioneering sa loob ng 100 talampakan mula sa isang vote center o opisyal na ballot drop box. Kabilang dito ang pagdi-display ng nakikita o naririnig na pagpapakalat ng impormasyon na nagtataguyod para sa o laban sa alinmang kandidato sa balota. Karagdagan pa rito, ang isang indibidwal ay hindi maaaring magpakalat ng anumang mga petisyon, kabilang ang para sa mga inisyatiba, referenda, recall o mga nominasyon ng kandidato.

Kung naibalik na ninyo ang inyong balota sa koreo, maaari ninyong kumpirmahin kung kailan ito natanggap ng opisina ng Tagapagrehistro sa [sdvote.com](#).

Matuto nang higit pa tungkol sa pagboto sa [espesyal na primaryang eleksyon sa Distrito 1](#) sa sdvote.com, o tumawag sa (858) 565-5800 o toll-free sa (800) 696-0136.

###

COUNTY**NEWS**CENTER   

COUNTY COMMUNICATIONS OFFICE  
1600 PACIFIC HIGHWAY, ROOM 208 • SAN DIEGO, CA 92101